



Broj predmeta: 02-000033/21
Broj akta: 01.1-1413EK-097/21
Datum: 28. 5. 2021. godine
Mjesto: Brčko

Na osnovu člana 18. tačke o), člana 19. tačke a), članovima 35. i 37. stava (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine, na prijedlog Kriznog štaba u zdravstvu Brčko distrikta BiH, broj: 15/2021 od 27. 5. 2021. godine, komandant Štaba, gradonačelnik Brčko distrikta BiH dana 28. 5. 2021. godine i z d a j e

N A R E D B U

Član 1.

- (1) Ograničava se rad ugostiteljskih objekta na području Brčko distrikta Bosne i Hercegovine, do 23.00 sata.
- (2) Zadužuje se Ured gradonačelnika Brčko distrikta Bosne i Hercegovine – Inspektorat i Policija Brčko distrikta BiH da u skladu u svojim nadležnostima vrše pojačanu kontrolu poštovanja mjera i naredbi Štaba za zaštitu i spašavanje Brčko distrikta Bosne i Hercegovine u ugostiteljskim objektima, broj predmeta: 02-000049/20, broj akta: 01.1141SM-213/20 od 8. 5. 2020. godine, kao i kontrolu poštovanja svih preporuka u skladu s vrstom djelatnosti, koje nisu u suprotnosti s ovom naredbom, a sve s ciljem sprečavanja širenja zaraze korona virusa – COVID-19, te ukoliko se utvrdi nepoštovanje epidemioloških mjera u ugostiteljskom objektu istom onemogućiti daljnji rad do kraja radnog vremena tog radnog dana.
- (3) Dozvoljavaju se organizovana okupljanje s muzikom uživo, di-džejevima i slično uz poštovanje Naredbe Štaba za zaštitu i spašavanje Brčko distrikta Bosne i Hercegovine o epidemiološkim preporukama za sprečavanje zarazne bolesti COVID -19 tokom okupljanja u zatvorenom i otvorenom prostoru, broj predmeta: 02-000049/20, broj akta: 01.1141SM-287/20 od 2. 6. 2020. godine.

Član 2.

- (1) Dozvoljavaju se rekreativne aktivnosti kada se obavljaju u zatvorenom prostoru do 23.00 sata.
- (2) Dozvoljava se prisustvo gledalaca na tribinama prilikom održavanja sportskih susreta na otvorenom na području Brčko distrikta BiH, uz poštovanje preporučenog fizičkog razmaka od 1,5 m među posjetiteljima, odnosno jedna osoba na 2,5m².

Član 3.

Nalaže se obavezno nošenje zaštitne maske (prekrivena usta, nos i brada) u zatvorenim prostorima.

Član 4.

Zadužuje se Ured gradonačelnika Brčko distrikta Bosne i Hercegovine – Inspektorat i Policija Brčko distrikta BiH da u skladu u svojim nadležnostima vrše pojačanu kontrolu poštovanja svih mjera i naredbi Štaba za zaštitu i spašavanje Brčko distrikta Bosne i Hercegovine donesenih s ciljem sprečavanja širenja zaraze korona virusa – COVID-19.

Član 5.

Ovom naredbom stavlja se van snage Naredba broj predmeta: 02-000033/21, broj akta: 01.1-1413EK-087/21 od 19. 5. 2021. godine.

Član 6.

Ova naredba stupa na snagu danom donošenja i objavit će se u „Službenom glasniku Brčko distrikta Bosne i Hercegovine“.

DOSTAVITI:

1. Uredu gradonačelnika,
2. Zamjeniku gradonačelnika,
3. Glavnom koordinatorskom odboru Vlade Brčko distrikta BiH,
4. Svim odjeljenjima Vlade (12x),
5. Kriznom štabu u zdravstvu Brčko distrikta BiH,
6. Uredu gradonačelnika / Inspektorat,
7. Sekretarijatu Vlade (3x),
8. Policiji Brčko distrikta BiH,
9. Članovima Štaba (34x),
10. Institucijama Brčko distrikta BiH (8x),
11. Javnim preduzećima, fondovima i Zavodu (7x),
12. Sektoru za informisanje,
13. „Službenom glasniku Brčko distrikta BiH“,
14. Arhivi.

GRADONAČELNIK

Esed Kadrić